

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava "Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socioekonomskog uticaja energetske krize" utvrđen budžetom Federacije BiH za 2023. godinu Federalnom ministarstvu razvoja, poduzetništva i obrta (Službene novine FBiH br. 60/23) i Odlukom Upravnog odbora Fonda broj: UO-01-3-13-11-1/2023 od 30.10.2023. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u mikro, malim i srednjim preduzećima za 2023. godinu - JP BPEU MMSP 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

O D L U K U

o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u mikro, malim i srednjim preduzećima za 2023. godine - JP BPEU MMSP 2023-1

I.

Na osnovu postupka pregleda prijava zaprimljenih u vremenskom periodu od 14.-20.11.2023.godine, provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u mikro, malim i srednjim preduzećima za 2023. godine - JP BPEU MMSP 2023-1, prijave pod rednim brojem: 12, 13, 14, 15, 18, 21 i 24 nisu ispunile zadate uslove za dodjelu sredstava budžetske podrške.

II.

Ova Odluka stupa na snagu danom donošenja.

III.

Protiv Odluke, podnosilac prijave može podnijeti prigovor Fondu u roku od 8 (osam) dana od prijema Obavještenja.

Prigovor ne odgađa izvršenje Odluke i nastavak provođenja postupka dodjele.

O b r a z l o ž e n j e

Na osnovu Zaključka Vlade FBiH V. broj 1722/22 od 24.11.2022. godine i Odluke o usvajanju Programa utroška sredstava "Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socioekonomskog uticaja energetske krize" utvrđen budžetom Federacije BiH za 2023. godinu Federalnom ministarstvu razvoja, poduzetništva i obrta (Službene novine FBiH br. 60/23), te Odluke Upravnog odbora Fonda broj: UO-01-3-13-11-1/2023 od 30.10.2023. godine, Fond za zaštitu okoliša Federacije BiH (u daljem tekstu: Fond) je objavio Javni poziv za dodjelu sredstava iz budžetske podrške

EU za provođenje mjera energetske efikasnosti u mikro, malim i srednjim preduzećima za 2023. godine - JP BPEU MMSP 2023-1 („Službene novine Federacije BiH - Oglasni dio“ broj: 85/23 od 03.11.2023. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba).

Na objavljeni Javni poziv, do momenta podnošenja izvještaja, u periodu 14.-20.11.2023. godine, zaprimljeno je putem portala “e-prijava” 7 prijava.

Rješenjem direktora Fonda imenovana je Komisija koja je dužna da izvrši pregled pristiglih prijava na Javni poziv kontinuirano po prispjeću, odnosno prema redoslijedu zaprimanja, cijeneći ispunjenost uslova datih u Javnom pozivu kao kriterija za odobravanje, u skladu sa Programom utroška sredstava.

Na osnovu Izvještaja br. 2 Komisije o ispunjenosti uslova 07-03-280/2023 od 22.11.2023. godine utvrđeno je da od 7 ukupno pregledanih prijava u periodu predmetnog Izvještaja, njih 7 nije ispunilo zadate uslove (prijava pod rednim brojem: 12, 13, 14, 15, 18, 21 i 24).

Slijedom iznesenog, u skladu sa tačkom 7., poglavlje „Obrada prijava“ Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu razvoja, poduzetništva i obrta (Službene novine FBiH br. 60/23), odlučeno je kao u izreci ove Odluke.



Marijan Klaić, v.d. direktor

Broj: 01-09-12-260 /2023

Sarajevo, 22.11.2023